




悲
盒
詩
賸



柳田文庫
文庫11
D 208



文庫 11
D 208

悲 金 斤
士 請 贖

光緒乙酉秋九月凌澂署端

010190556129

48-12167



題跋

大集捧讀三日自口至心惟有佩服而已覺二百年來無此手也石門數詩尤有功世道再去温州詩人事世情都道盡矣蔭交撫叔近十年未見其與近之詩人唱和也今見其所為詩則非今之所謂詩人也矜此七品官遠過萬里程讀此二語能無三歎同治十年十一月二十一日弟潘祖蔭拜讀敬識

唳鶴無凡響朱徽闕好音騰達偶時命對君感升沈作牧洽羣望豈曰智不任訪舊出甌海官牙如山林開懷恣談讌信步猶登臨清池悅浩渺高嶺陟崎嶇久晴兩



月旱時雨三日陰在泥蘇涸鮒棲枝樂幽禽君來啓我
愚慷慨發狂吟求退既不易何當遂初心他日聽絃歌

無以昔易今用謝公池上樓詩韻儀徵方鼎銳子穎

老趙雄強無與競一畫一書見天性肥皮厚肉痛刮磨
奇骨森森寫孤勁一臥馬市淹朝昏寒風蕭颯吾打門
坐出新詩若枯樹霜落枝葉春含根詞人半是蕩子婦
冶態儂姿無不有娥媚百出文字場應對此詩憎老醜
此詩老醜骨最堅下壽尚可三千年左彼右此家一喙
唯唯否否終不然烏程施補華均甫

以舌為兵戰以口率然常山連尾首隻手直挽東逝波

閉口乃如不欲歌不願詩存受拂拭願似烏鰂胸中墨
魚龍倣詭世豈知金石明白臣可勒對君不覺豪氣馴
得讀君詩亦夙因已知無意嚇腐鼠但恐鼠知還嚇人

右用集中與魏稼孫倡和詩韻績溪程秉鈞公助

高文卓絕制河東能藝通神事事工吾與夫君生並世
真慚煮酒論英雄

不信狂名動九垓端門麟出反為災歲星飢死侏儒飽
局促風塵劇可哀德清戴望子高

大可雲持壯越詩君尤奇崛突過之近來浙派頽唐甚
如此纔堪張我師海甯錢保塘子捍

悲盦居士詩贈

辛酉以前詩

會稽趙之謙搆叔

讀史雜感六首

贖二 丁未

天帝自不醉神州乃昇秦一火毒天下燒作萬古塵
大道絕儵忽世界還生醕可憐三神山有藥無長生
朝阬礪谷儒暮隕沙邱君黔首愚不盡功反視罪均坐
令五千年不有名世人

嗜殺如嗜食曰暴竟興之杯羹何必分甘受羣兒欺
惟學萬人敵遂當不利時戰亡天有罪而語胡倒持負
義帝可惜負美人可悲父老終見憐面目猶可為眼有死

悲會居士詩集

范增重瞳真不奇

畫梅作 己酉

老幹槎枒酒氣魄疏花圓滿鶴精神空山安用和羹手

獨立蒼茫攬古春

除夕示周雙庚 壬子

一歲天喪予五窮鬼活我年長竟何補過者况已夥未
堪家多難謀生計又左道心擠沈悶世眼逼懨懨飢控
千字腸寒鑽五內火老骨磨不折天地勿得裹有腹為
戰場肺肝作橫禍小喜白刃蹈大敗赤城墮雖拚好頭
顱與誰砍一顆拜手五藏王解衣肯入裸一氣闖然去

志帥曰不可

答王瓚公 晉玉 問學六首 贍一 癸丑

於古有四民以士為上尊今惟農工商名乃實之賓識
字務覓舉八比且稱文如妝復如戲鼓掌遂搖唇其倖
自獲選否亦潦倒均千百約師弟一再誤子孫奄然死
牖下六十竟不聞英雄入彀中禍甚於阮焚地下秦祖
龍游魂來笑人

岳忠武王祠銅豆歌同雙庚作 乙卯

金牌能敗王之功銅豆猶存王之忠昔拜王祠觀銅爵
精忠報國款識同寶慶三年豆斯鑄敦盤具列儀則崇

忠會居士詩集

子孫何代忽流散家祭不設蘋蘩空輾轉人寰六百祀
大江南北浙西東屠沽手中骨董側摩挲歷徧羣瞽矇
榮名幸倚岳忠武耳目熟習千兒童僻書無事用堯典
竹木尙恐迷冬烘後賢求古購得此俾授遺嗣歸楚弓
青靜祠堂守家寶春秋享祀誠爲通我持此豆歎無用
不如擲向泥罈紅年來錢貴鑄莫已破此可得千青銅
王之精忠乃報國身外一物皆飄蓬况彼古貨列彝鼎
舉世不好終非工成已如是毀亦得小詩與君三日龔
丁藍叔屬題大碧山館圖詩以廣之己未
爲碧無量大爲山無量碧捏作大碧山乃是一卷石卷

石豈不大碧之亦無奈如空著色相微塵得世界不山
復不大一碧不可寫海氣涵四洲雲容搖九野館宇何
一山遇之皆神仙蓬萊不盈尺誤在風引船岸上住小
船卽在蓬萊間從我問蓬萊無非蓬萊山中但有碧
不碧但有大大哉土石行萬象總一箇繁星作白氣衆
目得天河月望全受光偏覺今宵多山下山自高山上
天自高便上野狐嶺尙十五里遙竟更十五里未必天
在是所以可指名一律無謂耳昔年見藍叔翩翩美少
年今年見藍叔豪興不減前前後七八年少壯終相懸
回頭看四海何處非桑田披圖識千載讀詩別一解呼

碧山人來爲語大無外勿言碧在化何忍爲萇宏從來
山可移甚願爲愚公

辛酉以後詩

題江弢叔立馬雪中看嶽色圖依小浮山人韻 弢叔
自杭州陷後一物不存惟此卷及詩數帙而已寄食
永嘉得游雁蕩故詩中及之

立馬雪中看嶽色聞鶯湖畔失軍聲劫灰吹起無文字
一卷留談亂後城

立馬雪中看嶽色大龍湫下問泉聲東西南北人何許
要向靈山借鐵城

爲績溪某畫梅題九言六句

生平交游績溪人最親今年來瑞安又得見君以君將
入都爲君作畫贈以梅花一枝存吾春寄語三千里外
知我者淡淡數筆自足風月雲

七夕爲牛女相見之期皆俗說也沿訛踵謬戲作一詩
以供大噱

取婦莫借錢借錢莫更還借錢得婦難還錢愁天慳一
年一日七月七一年一日一見畢一年一見亦已多人
閒一年天一日一日會有相見期借十萬錢還無時中
有大巧人不知爲牛計得爲女癡衆人乞巧年復年我

悲會居士詩
四
乞乃在巧借錢但令十萬腰可纏天涯何處無因緣願
得一年一相見期以一年終見面離家千里歸何年空
有夢魂知眷戀今宵下拜牛女星明朝爲我奏帝庭乞
借臣錢萬亦得母一子十權奇零牛來告我口囁嚅天
帝曰吁朕非愚况汝自昔負夙逋效尤瀆請皆當誅我
聞斯語重歛歔囊中看錢空無餘弄巧成拙意何居借
錢信是牛不如

風癡三首

東甌夏秋多風癡土囊盛怒不可挫三日西方見颶母
鍊風旣出聲勢大奔馳一氣無何有旋轉九天如此作
撩人下攪臺笠擲入門倒握承塵播昨日糊臆塗冰油
曠息盡鑽故紙破几案或推舞牀帳行止不定妨坐卧
朋儕童僕率自匿坐任安危人一箇世上風波聊復爾
客裏遭逢亦無奈

王生示我風癡草云葉有折風癡同風癡月在六七八
計旬分歷初中終今年草折葉梢一言須八月初旬風
六月不雨及七月泥龍甘答祈無功愚民藉有旱魃虐
叫呼騰沸隆蟲蟲方喜四日得微雨再生焦卷年穀豐
爾風先期來何故威令竟失江赫冲相傳颶母見時有雷則風不發此次
頗有雷惟不迅耳西鄰昨夜屋茅捲野老伏地愁兒童

榱崩棟折等閒事誰當此壓憑天公從來既往有不咎
 願過一折數已充造化難測吾所識毋為矯物俾民窮
 人或病癡呼之風天風何乃日以癡為風莫癡風不知
 茲風癡者我不疑風來忽轉遽集此風去忽迴非戀誰
 劈空生事天地暗前過若逃後有追巨寇卒入仇貧士
 村翁老去有嬌兒殺人適足開口笑逆汝但許吞聲悲
 無端學作突地吼庶人大王雄亦雌披猖解道會有盡
 發屋拔木空爾為告爾風伯毋蠢愚石尤作惡為其私
 扶搖直上九萬里胡令發作成橫吹夜牕一燈已滅火
 癡風怒號猶入帷我與風語亦癡絕天病未必人可醫

喜得胡荻甫書成六百字寄之

世界一棋局欲敗獨子亂吾生類棋子白黑滿地散論
 交十餘年遭際幾更換可憐一著錯事坐讀書半北行
 逢寇至南歸聞賊竄淮陰過慘悽浙右就糜爛由重興奔歸聞
賊已退重至淮上則已陷清河乃返越予為師友哭君多家室
比歸浙杭州又陷航海司馬皆殉難杭城荻甫過蘇
歎州已聞績溪陷比至杭阻賊圍不得入杭城復後始
覓得眷口予家方播遷且幸歸來看君家亦無恙相見
 賀湖畔亂離得歡喜團聚從患難寄居於我室談笑恆
 徹且餽屋更比鄰酒食互相喚食貧偏壯氣感事同扼
 腕金陵賊突圍絕流倒狂瀾長城竟壞汝禍變釀冰炭

文臣惟惜死棄地資衆叛海濱忘天下 國法終將追

魂歸哀江南雄鬼爲顏汗金陵賊已爲我軍所困大帥

殿臣軍門戰歿和帥亦同時殉節宮保兩江總督何公

始則不發援師繼卽棄城先遁常郡既陷賊卽直下蘇

州四五日内郡縣連棄浙之嘉興因以不守宮保尚潛

也上海有旨來京卒以路梗留行冀勸捐免罪可慨

若上正塵兵禾中報打館賊踞民房日打館湖州賊

氛復逼空城議戰守大患誰當扞但作痛定思此心總

疑憚試險背鄉土懷安忘閭閻君言不如歸行行挾籠

絆甫祝布帆利復驚烽火燿計程奔與湊追悔誰是攬

十日身入危九死臆難斷先是君以八月初三日返績

月李走十一知君在裏鄭書來樂且衍性命別文字兵

行始得君書

刃當游玩君書言生平所蓄書籍全失惟君悲飯籬空

勞薪猶自爨予笑喫衣慣短褐不至厭今春走東甌乞

食仰柔翰急雨過桃花嶺名琵琶觸煩惋一日趨夏河夜

潮鼓澎泝舟行詩思多城見客心便故人丁令威稱貸

錢五貫新知遇江總詞章鬪璀璨余至處州資斧乏絕

貸錢五貫江弢叔來此始相見永嘉留不可瑞安來已晏邑小官事閒

學俗文人罕關爭分水險江蓄飛雲灌奇靈數雁蕩山

川南戒冠奧區闕莫窺方擬游汗漫忽告婆括陷聞變

皆裂肝民散踵官逃賊劫輸兵悍脫難來無人寄書苦

路斷魂夢雜疑似疇與存亡判問訊到杭州揣測疲晨

昨六月十四夢人述君惡耗自四月後疊發三書金華
 來者又不知裏鄭在何所因以書寄杭州而君果在
 今茲釋予憂一夕神伴免唾餘生是幸挾策尙可鑽儒
 冠每自誤伏卯將毋暇休論行路難鐵腳經錐鍛大川
 須利涉易象既觀象擬明歲附輪船入都深山怯虎狼故里窘菹
 蒜浮家計亦得資斧急布算窮途天或赦畸士人所謾
 長安不易居食功有畫墁折腰博升斗下心毀崖岸求
 珠非使智作礪會取礪行藏聽元化留此霜雪幹閱世
 憂無端謀生辭能贊寄語素心人或不予河漢
 梁平叔有約於上海擬以九月閒往娶以歸屬余畫梅
 花帳額戲圖丹桂連理復綴一詩用東坡先生松風

亭下梅花詩韻不忘本旨也

姬李姓字桂卿

明月出海遲荒村團圞偏照游子魂中有桂樹許相倚
 姮娥若待憐黃昏騰身直向清虛府移根歸來松菊園
 七寶修成金可屋萬里夢好香爲溫畫欄屈曲懸秋露
 翠旂照曜蔭晨暎幽人自有隱居服娥阿引御招柴門
 鷲嶺雲橫滿湖月人閒天上都忘言東坡酒方試新釀
 歲除爲我傾芳尊東坡有新釀桂酒詩平叔將歸余亦擬冬間赴杭州
 瑞安署後西偏有陸放翁祠前亭曰放翁亭亭前有
 池池有橋橋有欄今僅存亭趾池橋而已相傳公爲
 瑞安主簿故祠於此然志不載入職官且亦疑之矣

公之祠於此以曾有飛雲渡一詩又周益公送公詩
里巷猶傳主簿賢句此主簿之官所據也余來時擬
釀金建亭無應者祠壁有制軍敬敏阿林保公一詩
勒石完好其落句云何事英雄趨晚路半閒一律有
文章蓋議南園一記然所惜小矣八月望步公祠下
敬賦二詩

主簿何年紀載疑海邦猶有放翁祠名高所至爭遺蹟
官小能賢總去思落日牆陰求刻石飛雲江上賸題詩
中原萬事那堪問罵到文章罪敢辭
小池闡淤亂菰蒲殘廢亭橋半有無楠樹蔭虛宮一畝

蓮花夢錯酒千壺

相傳署後古楠大蔭十畝放翁池皆種蓮花今皆無之

公為前

輩來偏久我亦鄉人憤已孤要奉辦香勤下拜甚慚好
事屬窮途

瑞安署齋承塵皆走蟻落几席拂去復來厭苦者久矣
晨起緣筆硯幾徧且殺且逐竟不能盡益有餘粥視
則已羣聚其中而後至者坐是係累作憫蟻詩

螻蟻吾何仇相尋今屢屢倒懸既莫解墮落猶不悟頭
面來必緣手足疑可蠹聾怯牛鬪動羶強羊肉慕東西
復南北分道走相顧日夕繞筆端若有冤與訴得無檀
槐閒亂荒不可住豈知得生活此身將多故太守來夢

中名當議征戍力負等身鐵胡不應召募紛然守几案
紙墨極趨附驚等鼠在厠匿雜蝨處絳盡救若曹難爲
累主人惡大坐極微命近殺遠皆驅下令急按逐此去
彼卽赴窮搜及糜餬中見無萬數性命依口腹禍福得
失互勞勞爲求飽株連此何苦饜足反倖免饑餓坐黨
錮擊使千百散視當生死怒兼弱或天忌過殺乃予誤
微辭與懺悔戲言更分付艱難食人食何如撼大樹
八月十八日聞戒入夜大風雨不止

夜雨秋來悲大風天外怒聽雨我已愁聞風我愈懼風
雨無已時雨狂風漸癡一狂復一癡風師與雨師雨師
發大眾風師助之閔風隨雨進止雨視風播弄播弄自
無謂訶罵耐不畏焦明言聲勢山猱鳴意氣日久災將
成風雨自不驚風風必雨雨風雨而弟兄風後雨必先
雨來風必牽告天棄風雨亦恐難爲天天用風與雨天
弊風雨舞風師定厥謀雨師率所部憑空戰鬥過風雨
眞兩大明朝事不知閉門且高臥

風雨彌甚枕上得一詩

獨臥風雨中宵深更聲惡厲合羣叫囂急雜齊榜掠浸
潤物先腐往來鬼爲瘡空闊惟所向顧忌兩無著數數
擾夢魂乍定忽復噩風雨聽亦慣人心可測度

聽訓狐啼樹上以詩紀之

月黑四更盡樹頭啼訓狐初如餅納水忽若戶轉樞轂
輓復轂輓叫天當無辜我亦知休留勞汝來相呼汝亦
弗復呼呼笑皆可誅相傳訓狐啼必大雨其聲前呼而後笑不甚可聽但解鳴
不祥見惡周羣愚

二勸并序

平陽人金錢會假保身家說為歛錢計鑄錢文曰金
錢義記背文兩方勝與會者百錢而給一近復益紅
帖一帖亦給百錢又一布上印連環合同字字閒圖
方勝且列天地八卦名號自咸豐八年至此聚人及

萬與白布會為仇白布會者瑞安團練名色也其法
願入團者自出百四十錢乃給布一方上用督辦關
防告於社飲酒設誓令聞召即至至是變作爰有勸
辭聞者不戒言者有罪

金錢何來來平陽一錢入手無敢當身家奚翅值二百
氓愚爭貨周城鄉初為拒賊冀遠害後取禦侮思豫防
三四年中禁不止眾弱能積亦自強黨行永瑞樂泰順
垢及紳兵儒丐藏敗壞滅裂事必至非關激變知無良
汝宜知罪劫林洋彼亦有過攻錢倉如何報復逞非度
劫陳及孫飛餘殃雖言焚殺在仇敵仇敵誰實甘受創

相尋相殺不可已不已豈復安農桑一朝失足即叛逆

國法不赦律令彰天討有罪孥戮汝異時若悔徒

心傷身家此錢保不得拒賊乃致作賊亡汚名受此為

汝惜勸汝散遣休猖狂大府收汝入團練立義行事報

我皇殺仇何如能殺敵功烈且作邦家光罪由自

首法當免過勿憚改聖所臧縱恃血氣好鬪狼要計利

害容商量萬人須有明一隙忠告莫視言荒唐右勸金

瑞安居民不知務團練乃稱會白布列旂齊號輔正王

中有大字署曰護瑞安民團旗上皆橫書輔正王白布

上印督辦孫百四十錢名可附一盟諸社是入會丁壯

自買非我雇從來團練無此法怪事那得知其故號召

價視金錢昂樹幟道從長髮悟高官上第出新意陋儒

率眾受分付名已不正昏無知勇若可賈赫斯怒金錢

白布誰是非尋釁敵仇昔已履自團練局紳令繳金錢

須錢五百坐是罷繳會中又昨宵變起焚室廬白布無

自立團練旂幟則遣人拔之靈莫肯顧父兄尙倖脫患難弟友可憐率僵仆便書今

日大復仇回憶當時錯誰鑄輕舉妄動戰何易殃及無

辜尤眾怒勸君自反仁與忠俯首且當安儒素早除白

布說團練勿笑金錢急搜捕大事終須慮究竟一誤如

斯堪再誤我詩遇君知解難好向村頭問老嫗右勸白

言重月二言朋
賊情叵測守城方嚴深宵獨坐百感交集戲成三律以
寫我心

身世浮沈有自看江湖老大足悲歡已同臧穀亡羊算
敢說嚴敦畫虎難明月相思詩夢短秋風空打客心寒
年來怕作歸家計千里依人受一箠

忽傳烽火薄孤城構釁尋仇禍早成此日可憐圖白戰
斯人何事誤蒼生兵連禍結而城中不集一資故鄉心
悸方多難窮海身藏更苦兵不信錢神偏作惡空囊一
擲竟無聲

笳鼓聽殘夜嚮晨寒蟿幽咽訴勞人謀生自分惟奔走

省事渾疑到欠伸信是危邦須有我忍看守土委斯民
飛雲江上潮來急欲易滔滔尙問津

九月初二夜大霧瑞安南門城上作

厭聽從戎事登陴又此經人來三里霧燈出一江星心

衆城能壯兵疲土尙腥凡城上土不腥者凶遠謀須肉

食守我口如餅

紀事

賊來卽入爲無備賊入卽去真不意千人已作半日劫

十隊忽緣兩尸悸賊分十隊入城台勇百人從追賊出

城城如故官廨一空里戶二此中何乃虛無人聽彼告

者同一啞縣令催科先出郊大守辦賊方莅瑞此時不
 得親民官爭顧逃生皆引避發令本無數軍集逐寇且
 幸百人至倉卒變起若神出倏忽事平總兒戲官歸兵
 聚賊再來時為九月初四腰鎌高舉擬兵刃官印新
 獲榮旂幟南門接戰我軍退東西齊出夾擊利檀公上
 策賊亦知急走無從就死地困獸僅見癡漢鬪溺鬼約
 與腐儒伺落水死者約二百人大半平瑞諸生從逆者尸流河中尚戴帽頂此為鉛丸
 洞厥額再躍再上擊復墜彼學富人握金死橫尸斷脰
 財相累脅從自甘赴湯火復仇胡為誤童穉百人受戮
 一路哭當時誰願金錢棄大軍迅集搗巢穴孽不可活

作由自當官為此亦應爾作賊如斯乃可愧

瑞安雜詩觸感有得故繫以地

秋月何淡淡寫素天與新窗罅納風語入聽幽非真卧
 見初日上寒雞遲遠鄰雖賸萬斛淚一灑還自珍憂來
 總無方奚當薄杞人

小池勺水淺懦弱人所狎令冰堅汝腹鑿之待鋏錘江
 潮日再至挾海天地壓剛柔道兼成大勇方若怯如何
 居下流歸惡不自牖汲多供牛飲渾同迷魚眨

異蛇伏叢莽銜毒長子孫黠鼠探其穴弄技謀并吞鼠
 入蛇不懼蛇出鼠已奔鼠匿不知處蛇尋無底冤齧人

科蛇罪殺蛇與鼠恩昏夜集憂患市井同愁怨捕蛇必
効鼠此獄乃平反人倦鼠無聲回奈蛇常存

牆角老柚樹垂條蔭一畝春至花綴珠秋來實如斗鄰

翁走相約摘待霜降後癡風落三四愛惜不置口戒僕

好護持計期近重九但覺蔭漸疎不知竊已久令踐一

朝諾乃縱羣兒手世事率變幻相知不忠厚此心豈無

主樹本非我有

雁蕩不可約仙巖期亦夙巖菴聞奇絕上有仙人屋十

地或得一游心日飛逐平土民忽叛好山賊所伏雁蕩

自乾淨茲行未可卜信如王生言雲子無游山福

水禽投江湖頭頭濡其尾日得魚百枚自飽曾有幾能

繫故不食匏瓜慙吾豈貪殘及血肉不如蚤與蟹家家

養不怪可怪此烏鬼

倦臥復呼起一夢易雨夢初夢有少婦向余訴冤痛無

端遇艱難因緣錯虛哄後夢鄰嫗勸薄命古來衆白髮

誰肯憐紅顏賴斷送左右難置辭共此窮途慟醒記夢

中語一笑豈余諷

九月二十五日同梁平叔衡入郡將作歸計不復返瑞

安矣舟行已遲薄暮始過永豐口占一律

霜落見紅葉日斜生紫嵐塔形危處湧樹態老中憨詩

得眼前景兵休紙上談明朝過陳寔但乞永嘉柑時令永嘉

者為陳子餘司馬寶善

除夕作 自庚戌以後客游者十二年度歲必返里雖無資有債必償或貸諸人或量入為出然甚苦貧今茲難後無家可歸守歲異鄉藏身已固門無索逋之客室有同心之言而顧影長思可勝悲感成四十字三十三除夕今年在客中生從奔走裏喜與友朋同有歲吾能守無家鬼不窮夢醒應齒長天事此猶公為邵誠伯畫梅戲題一絕

作花絕早歲已寒結果如此終心酸一朝剪伐供把玩

合受旁人冷眼看

魏稼孫以詩見投并索畫梅兼示近稿依韻答之即題其稿後稼孫來詩曰余殺降故辯之

逃生來入五虎口亂後鄉關怕回首海艘有聞歸甯波偏我長作無家歌無家思家頻淚拭尙復何心弄紙墨為儒自困等呻吟竊妻可逃失磨勒東南舊說民氣馴棄地與賊豈夙因君家曾從賊中出此事我先不如人猶有狂名在人口致令文章為戎首薏苡一夕中伏波已知餓死母高歌斷劍積繡不可拭愧色早同軍氣墨長城字在偏師逃疲馬懸厓逸難勒小時倔强老伏馴

與困獸鬪乃無因降卒四十萬且盡圍魏救趙今何人
畫梅作直幹題一絕

樹不橫斜即奇怪花非富貴總寒酸一腔墨汁千人笑
倒徧天涯黑可觀

為稼孫畫梅三疊前韻

梅花向我開笑口不再青春將白首終朝一磔復一波
書畫未竟為詩歌風塵萬里日誰拭中無所貪但有墨
空花何處著栽培幻相猶能事鉤勒履霜象致堅冰馴
潦倒亦見緣與因移根那得乾淨土空山長日來樵人
錢子奇和前韻見贈四疊答之

賣畫不得錢餬口辜負梅花總低首安得荷笠從烟波
孤山獨唱招鶴歌春雨春山淨如拭山外溼雲濃過墨
書空怪事茲游多賤與天公商摹勒天公指我鶴甚馴
腰纏十萬貫有因明朝騎鶴揚州去約君更得揚州人
夜聞叩門者則子奇疊前韻得三詩復和之至是七疊
矣

甫誦君詩不去口又見書來益三首灼若夫渠出淥波
更唱迭和行且歌燈花落紙一星拭挑燈看硯有餘墨
老草成詩算繼聲強與打油擬勅勒獅用全力象自馴
以難見巧理或因咬文嚼字日不足笑殺持籌握算人

和再贈作

賸有一身棄八口我死無能正邱首鳳山此陷踵清波

告哀忍再杭州歌故鬼血痕碧不拭偽官新喜刑先墨

聞降賊者輒刺兩年劫運亦難齊焚殺猶能易偏勒入賊

太平天國字城後乃拷掠富家多死金石例補潘季馴招魂故事今可因死事

少人書尙易但哀餓死十萬人和哀杭州作

我生大不利於口此行畏尾復畏首二千里外事奔波

吞聲忽作長短歌海氣蒸汗顏自拭從來肉食須無墨

天遣飄零安所逃頻伽小印應重勒犬羊凶逆知難馴

悲歡聚散皆前因故鄉消息向誰問長願他鄉逢故人

和自歎

子奇復用前韻成閩中雜感四章見示依次答之

閩疆風物聽眾口泉男化女皆稱首咄哉蛇種流餘波

胡不踏月相唱歌白面那堪脂粉拭黑面真宜面深墨

耕田負戴鄉下嫂龍頭高簪腰布勒摩登迦女淫躬馴

藥义變相來無因有目竟無子都姣南方從古少佳人

英法通商求五口雅片毒人逞禍首火輪力足降風波

大能主神思作歌此污中土誰與拭萬里河山一點墨

條約數十已屢更尙可征商恣橫勒呼度一吠凡犬馴

夷呼犬日物有相畏性所因畏夷民更甚畏賊應悔生

悲會居士詩集
為中土人

昨朝步過旂汛口忽覩壁間詩一首混濁何不揚其波

誰歟製此長恨歌

津門樓有長恨歌詆此間
牧令在所見歌謠之外

八表同昏

休拂拭吾輩止須心墨墨宦途反覆自古然奸黨碑為
賢者勒庶人敢議誠非馴疾首感額事或因是非非是
終何有一笑同為行路人

空將啄食羨雞口三餐一覺被蒙首赤日耀耀射簾波
含哺鼓腹來酣歌飯籬不空酒杯拭割肉何廉魚何墨
辨物願作斯得白當名合遇訶梨勒烏鬼黃魚俗不馴
養以口體同此因餓死到今稱夷叔屢足道大多齊人

子奇復以苦雨九疊前韻相示復和一首

東風昨來忽開口

田家以春風
作聲為開口

雲壓萬山不見首桃花

水落添碧波客中各有愁春歌素壁時為漏痕拭案頭
漸軟隄麋墨又聽海外禿鶻啼直須天上乖龍勒十年
戎馬何日馴雨行我畏賊必因百萬戰士雨中立那識
愁春有旅人

答稼孫問卽和其韻前後凡十四疊矣

憶昔從軍巖衢口奮臂大呼瞻馬首兩年一再涉洪波
壯心挫盡惟哀歌劫灰不與世界拭無可歸儒且逃墨
廡下偏宜感伯通龕中舊已同彌勒沙泥爛死龍力馴

悲畫眉二詩附
殘甲敗鱗聊證因最上乘義無文字不爲口頭甘讓人
是人皆有心手口作詩不知萬萬首人生人死如逝波
有幾人詩詩可歌今詩工者在洗拭古詩作者無繩墨
烏可狎玩投樊籠馬任牽制受羈勒飛走未必與人馴
時代能限天事因我不知詩但知我談詩我固庸妄人
爲邵步梅太守畫菊

知己不期陶靖節餘生猶賴傳延年何如安樂窩中老

大海西風看碧天

余來甌由傳節子司馬以豫所勸入閩依步梅航海故及之

畫扇作紅白牡丹客索題句戲益二十八字

辟地重浮海上槎春風依舊此天涯故鄉零落知何似

破筆猶生富貴花

釣龍臺下觀宋梅有感

託根猶傍釣龍臺石碣名存有宋梅老朽那堪中梁棟
屈盤依舊長莓苔孤山春事曾相憶庾嶺南枝或未開
辜負中天好明月空教雙鶴誤尋來

苦雨歎

十晝夜雨天亦疲時有歇息如我欺出門冀可見霽色
仰面一往迎雨絲千絲萬絲密復密蓄爲雨點并力出
雨力垂盡不得已屋角略有雲讓日一雲未移一雲過
嫩日射雲雲不破層雲塞空天爲低淫雨浹旬水已大

悲會居士詩
旅人久苦溼上蒸河魚腹痛不勝食頃總須三遺矢
將軍善飯今屢憎况聞温州賊入境雨逐我軍棄桐嶺
夏雨雨人亦雨賊賊挾雨來雨且猛今朝雨接明朝雨
不信何時乾后土夢惡偏爲急點醒詩成未盡愁霖苦
愁中聽雨愁更愁愁雨愁我病莫瘳不愁病我一人死
愁雨不止愁温州明朝雨止未可卜淚如雨下千萬斛
我淚日少雨日多雨不我欺如我哭

雨住作

雨入夢中聽醒還疑有聲天難除積弊人又說新晴海
上來爲客甌中方苦兵五言成自喜賸此是長城

福州鼠一篇

福州鼠不畏人昨見搖尾今搖脣跳梁絕技何其神大
者尺餘小數寸騰上几案同溷溷新衣何仇喫無謂蠟
燭何親嚼有味大鼠飽食歸去來小鼠漸大能爲魁倉
中久空廁中滿西鄰夜移於我館數錢本領矜莫爭暗
地吃吃千萬聲齊招族類互依傍一鼠人立羣引吭人
叱鼠起鼠不走鼠伺人卧出其後此人不敵此鼠多走
入鼠穴夫如何東鄰迎貓已旬日羣鼠目張貓股栗我
行劾鼠強必鋤西鄰告我無急於先生行篋故空如破
書僅存四本餘况復半年福州居未聞一鼠曾嚙書福

悲盦居士詩
州鼠安可除

送錢子奇回温州

不負温州半年住
新交更得錢與陳
身真無奈賸一箇
官非有財見兩人
言歸我已莫問越
送別君乃先去閩
明日浮海入江北
萬里行役當逐貧

畫端陽節物得十六種贈步梅

誰知瘴雨蠻烟裏
尙畫端陽節物圖
何日共君歸去也
重談風土此閒殊

始食荔枝作

昔去温州食橄欖
今去福州啖荔枝
食橄欖在垂盡日

啖荔枝猶未熟時

温州江心寺有橄欖一株去歲十一月同諸葛月波往游得食三四十二

月卽航海來福州

略嘗甘苦天原諒
長此飄零我自知
有口莫

留根必植好從身世計
推移

畫荔枝爲韓佛生

按圖索驥成何事
畫餅充飢殊可憐
漫道寫生求活計
荔枝如此不論錢

六月十八日自閩歸温州輿中作

二首

肩輿烈日下直以火繖
張慚愧輿中人不若輿夫
強喘急汗雨下竭力踰層岡
嗟彼亦何爲千里無宿糧
片雲忽挾雨一過同奔忙
北風招客來高處披襟當
息肩相

悲盦居士詩

三

對坐各洗煩惱腸天公好調停亦復有炎涼

我行山高處前山高過我我行將下山前山見不可下
山復上山前山出其左已上前山巔其下山者夥遠山
自高出望極轉么麼終日行山中高下識亦叵終身履
平地那信高山果

次日發甯德

毒暑往遇雨行以雨爲福雨行屢暴雨雨於暑尤毒昨
若恩與縱今若怒斯逐旁風灑大點灌自頂及足范叔
加一寒管子窘三沐半途廢不得四顧失林木勉強求
進步帶水拖泥濁泉聲助疑陣更起亂心曲行路難如

此牖下死吾欲悲哉客無家當宿誰之屋

大雨止宿羅原

祁寒暑雨并人愁天氣真將夏作秋容易征夫別閩嶠
可憐歸路止温州樹塵客去風加意山道我來雲掩羞
野店且餐菰米飯昨宵曾記聽休留

度飛鸞嶺

侵曉出門天色淨行人相見額手慶飛鸞嶺接飛鸞渡
十里山程兩腳輕半山見日漏樹罅翡翠黃金千萬迸
山迴路轉高復低俯視江流不可竟天雲忽有故態作
力壓萬山道強橫認山雲外路雲裏以腳穿雲如納阱

松容舞蹈戰雲走海氣騰挪親雨迎千年龍蛻藏大珠
百丈鮫綃囊尺鏡我來洗眼看奇絕敢道雨行何以聖
下山雨止日西墜暮氣未歸谷風勁石橋崩斷涉水過
回首見山雲不更耳目頻年歷變幻心志猶將抉幽竅
僕夫方怨溼衣履偏我好談此游盛山靈識我應一笑
哭盡窮途語終硬

四更發飛鸞渡作

百八十里飛鸞渡待四更發無人催溪聲漸遠識潮上
柁尾忽明移月來高卧猶能忘試險薄游休更說通財
聞夜渡飛鸞江者每遇盜余幸免客中心事如成夢願付江流去不回

楊家溪溪上石壁溜痕直下十餘尺亦奇觀也

瀑泉下山蓄溪出溪成泉涸石自存石力能忍山所恃
水勢有盡民之恩誰知此日傷心客來看太古流淚痕
小船渡我入溪北止宿恰有三家村楊家村居溪北者僅二家行旅止此

得宿

自楊家溪至白琳道中得三詩

山奇怪爭怕人奇怪爭罵世有奇怪人不受恆流赦天
生奇怪山不迴俗士駕輿夫負我走怨極難求罷僕從
隨我來恐甚時一詫峯頭出樵者持斧當林罅路旁讓
餓兵俯首觸弓弮山行人千萬從古爲傳舍忽與奇怪

名脫口衆已訝茲山何不幸禍乃以我嫁

上嶺六七步一巖當我前何年巨靈手劈此重臺蓮側

行出巖背絕磴盤孤煙溪聲暗中聽竹密不見天小橋

折而西繞過雙峯巔瀑布在腳下縮作數尺泉二石相

並立如塔僧隨肩傍有老枯樹九死能自全眼界根意

識妙覺無言筌行路當游山即此為有緣

白琳村落大一里為一社兵民商賈聚人滿居室寡力

覓半閒屋偈仄住吾且問商來何為互市貨茶也問兵

今何往瑞安撤回者餘勇失所賈積威焉可惹夥頤集

徒黨持刀走擄擄戰不見賊至劫不在盜下居人說近

事乍聽汗盈把今宵孤客眠醒眼看燭炮

無心菜答毛仿山

空腹將焉負虛中恰率真無心猶有菜愧殺有心人

過分水關

自畫甌閩界因成分水關地形宜可守天險尙留山此

日空頽廢閒雲任往還出門看落勢舉足我憂患

三憐 憶途中事得三詩題之以憐有苦心焉

王姓客一

福鼎縣城賊燒盡賸有一店當南門我來冒雨急入戶

但聽慘絕人呼冤主人告我客王姓抱布貿絲來自溫

縣官張爲舊時侶授餐適館比弟昆自聞賊退急歸去
行貨幟易官銜尊親軍數十尾之走出城突劫無一存
客反告官官曰諾今夕且住盜已奔盜奔奈何官不問
客貧遂病亡心魂醫師視之脈當死舁在我室官之恩
有弟有妻來無日僵卧叫號三朝昏見人尙有垂死淚
凝眼不流乾一痕我聽未畢主人泣旁立擔夫聲爲吞
明朝共是出城者空囊且幸難同論近來類此事多有
以熱熬餅真不翻客今死久事已寢記此聊當塗人言
畚民女二

自爲一族蟲與沙昨日肩輿度大嶺道旁有女顏如華
槃弧所戴首飾古亂頭麤服不蔽遮天然秀色奪朱粉
齊姜宋子毋矜夸行人相視凜難犯絕媚入骨非天斜
天下美婦何必是但惜朽株產瓊芽造化降才不擇地
非值真識空嗟呀一時資格毒所限偶與目送來衆譁
全身猶得屏棄幸不逐蕩子爲狹邪拾柴燒火安本分
良玉在璞休疵瑕夕陽欲墮歸路遠穴居野處非人家
荒山落莫終老死我方與爾憂無涯

僕張彬三

我僕張彬強而義衆人所惡我則否自隨我行過平陽

告我欲往視其友友杭州人姓羅氏昔歲曾事温州守
以僕入官官仍僕甘以縣令居人後似言需次要資斧
須更一年財則有可共辛苦臣輿臺可自顯榮民父母
知我今秋將入都約曰同行飲之酒僕來述辭有歆羨
慚愧主人今汝負相攜患難厯窮困涉水登山日奔走
我由傳食附賓客汝莫候門任指喉安得數金納票本
天與一官求升斗期汝如羅踵可接尙恐我貧不汝厚
况今潦倒失生計大願空存言亦醜爾曹能者半官府
我自泥塗辱且久嗚呼我誤汝前程從茲對汝應低首
劉拙菴明府焯見余與稼孫唱酬作和詩相贈十五疊

前韻送之黃巖

詩人循吏名在口何意東嘉來聚首畫蘭不學顧橫波
但折芳馨補九歌衙齋清閑几淨拭素紈甫請君加墨
忽傳竹馬已爭迎直欲去思碑我勒中牟昔聞雉可馴
舊政今須議革因他時要踐方山約好問仙家向族人

君昔佐桐鄉有惠政黃巖委羽山爲道人劉
奉林棲息地曾與子京約往游故連及之

再和拙菴贈子餘作十六疊前韻

好官竟已傳萬口積毀不可愚黔首三年宦海厯風波
且取辛苦易謳歌咄嗟辦賊衆目拭盾鼻爭看此磨墨
無能事上偏得民曾見攀留甚抑勒君去冬因病乞休
甌民萬衆赴道府

攀留辭贈言不復期雅馴道我重來亦夙因與君何忍
色俱厲

談疇昔請誦有錢始作人

拙菴瘡愈而瘡作疥遂疔矣戲作一詩驅鬼

劉邕嗜痴方爽口瘡鬼卒以水沃首昏睡莫祝摩梵波
我爲來字宮中歌子璋血母髑髏拭破硯尙有雷公墨
此夜橫琴大蟹行擁劒先將彭越勒太陽靈符畫習馴
斗魁星名呼亦因恣然汗出霍然已枚乘能驕秦越人
拙菴見詩不答十八疊韻責之

君如金人緘其口無術啟之空搔首千年不激古井波
旁有獨絃爲哀歌故紙成堆硯新拭不著一字何惜墨

好詞直諫我能兼敢比景差與唐勒孤客難期僮僕馴
窮交未了文字因世閒索逋那有此詩債終須無負人
八月十七夜偕沈侶笙孫漁生公餞劉拙菴明府嚴紫
卿通守江心寺并招莊韻樓徐映軒兩君轟飲達曙
仍用前韻三首至此二十一疊矣

尋秋夜入中川口信國祠堂再稽首暗潮依舊弄迴波
此日登樓宜作歌殘碑重向蒼苔拭有宋孤臣數行墨
山河非故人事改文字能留貞石勒羣飛遠見漚鳥馴
我輩同有無了因鐘鼎山林任所適難得作者當七人
僧引客來山寺口坐看明月一仰首西流河漢揚素波

木落忍憶秋風歌江天作鏡自磨拭雲氣點空皆粉墨
笛聲橫海吹高寒神馬欲飛不可勒酣嬉淋漓情狎馴
後游願種香火因夢醒更作不僧悔名山占盡爲閑人
長卿得詩先脫口利若徐夫人七首子陵獨坐愁煙波
莊生鼓盆爲我歌熱腸酒力蒸汗拭悲壯一呼惟醉墨
燕然誰可告功成孤嶼尙容題字勒爲治但期民擾馴
論交不負平生因送人作郡我亦慣鬼不挪揄猶畏人
拙菴連日醉二十二疊前韻調之

以酒爲名勿誇口兀兀三杯坐垂首忽起行路如涉波
說事未半嗚嗚歌一噴不醒面須拭酣呼直欲頭濡墨

作書紙盡筆不盡入木三分几許勒盛氣相向意轉馴
願持米汁問佛因餽糟醲從君後此日獨醒能幾人
刻印贈子餘并贅一詩留別和弢叔贈子餘韻

今我又言別茲行宜可成二三此知己一再有孤城多
難壯心苦工愁詩句生與君爲石友相印亦紅情

閩人翦水仙破碎而曲折之呼爲螃蟹戲圖一本并繫
以詩

水仙號螃蟹厥稱始聞澥破碎本根盡委曲枝葉矮抑
置出乃積怒生發以夥羅襪翦慮如葫蘆見鐵拐蓬頭
復跣足僂僂舞而躡改容向人立一夕失模楷金銀列

志會居士詩册
臺蓋橫行益可駭村翁寶奇詭許我百錢買胡爲事矯
採屈之不可解卧有腹芒獻倚作螯山擺草木若近情
困須別郎罷強取入畫圖花惡我尤駭

墨梅爲弢叔

奇怪衆所懼孤高我不難惟憐痕迹在齊向扇頭看
將去温州述懷六百五十字示陳子餘及錢生式并寄

江弢叔魏稼孫韓佛生

自我來温州去家已千里約以去卽歸出門一襪被進
退能自主變故其及揣四月留瑞安賊陷金華矣阻賊
不得歸平陽叛民起圍城四十日是議戰守始九月至

永嘉故鄉則已燬有城皆可棄於賊未易俟兩年浙東
西失守常事耳今我不陷賊生存非爲喜潔身對君
父負心與妻子亦求挈之出安土問焉徙移家忍不發
道死深爲恥夷艘浮於海言向福州指決計圖北行迂
道賴有此天風快送客眼共山雲駛甫過白犬島重洋
極波詭夷酋忽作惡叱客於斯止同舟八十口面覲相
擊齒挺身效游說救人方救已百計易舟出舌爛宜可
恃度歲入八閩異俗乃如彼途窮身是累金盡人所訾
旅處駟僮場每食愁四簋豈不念婚友慚愧茲衣履因
我三多懼到門有貧士阿兄七年別握手成疑似乍言

兒女事今後將誰倚凶問賊中來妻以二月死毀家不
紓難悲痛到牀第行行復不行長為錢神使一上訟冤

書未獲邀

恩旨

余為繆南卿師訟冤上書徐樹人撫軍

頻年看人面及

此窮吾技僅有魏與韓衰作三晉比佛生謀生失錐刀

清談厭文史鬱鬱居半年悔恨入骨髓故人令永嘉招

我書十紙上言去亦得不去歸者是下言再擊賊四郊

辱多壘同負血氣勇胡忍卧隱几將軍能揖客况復重

延企誠言受深切曷敢忘意美衝暑渡飛鸞暴雨沈行

李中途識錢倉水石仍清泚十日過永豐詩記斜陽紫

侵曉入郡城羣為我倒屣文字緣與續軍旅事未已受

降人五千帖伏及蛇豕遂拔處州城劇賊亦披靡安危

自有任歌頌聽遐邇是非本無方道德來謗毀蕭蕭大

旂下仡仡崇墉峙容容東山雲渾渾甌江水風吹客心

動帆見沙頭艤再辭故人去大隱求朝市滬上彫年歡

津門春事綺驅車瞻皇都此別非求仕逢世但守口

安穩人海裏曾無虎頭相敢言肉食鄙東南尚多事留

我空拊髀且取萬里游當讀輿地紀回旋志中川必歸

時可擬所冀反鄉土墟墓能躬視一錢莫羞澀行囊自

料理更約相見期明年歲在癸

為子餘題香火因緣圖 圖中一鑪乃子餘配張夫人

奩中物夫人殉難後於吳中市肆買得之者

歷劫所不壞於物愧為人中有呵護者知是孝烈魂余

婦死賊中文字無一存惟有半紙書依我同風塵客歲

逆眾劫署中殆盡此圖與鑪獨無恙室人范敬玉紹興

陷後即病歿母家所著詩文無攜出者僅家書半紙在

行篋而已兩家事先後一夢過飛雲莫更說因緣盡卷看淚

痕
題江弢叔龍湫院行者小像并送之閩

笑我已難窮似鳥多君猶得冒為僧客中大悟無家慣

別話真疑有物憑城郭是非愁白鶴死生朋友贍青蠅

仙霞關上臺灣外行腳天教試一癡

送某別駕赴衢

自我入閩君赴滬何期相見又東甌頻年作客無安土

從古行軍要上游意外功名須共勉眼前憂患即同流

三衢倘遇生歸友為道愁人總替愁

棋僧秋航名湛靖俗姓趙氏揚州人今年癸亥百一歲

矣入都相見贈以詩

惟佛無量壽一公天告存悟從生滅法留得是非根大

局爾猶顧重圍我不奔他年記善弈成敗或同論余嘗

非毀譽皆無準弈則不然將述國朝

以來國弈逮三四手姓名藝術為善弈記

居都下年餘不作詩隨意所寓和陶三首

形贈影

大索不可得隱見爲及時何乃偏人甚朝夕今共之惡
似而非者得毋鑒在茲面目倏已失知覺非所期退藏
入虛無意象難求思百年憂患身俯仰淚漣洏相見如
相親相親愈相疑適從何處來知否我有辭

影答形

學道殊難易入世爭巧拙離形而得似託體乃高絕汝
啼豈我哀汝笑豈我悅非無哀與悅無以與汝別於道
取清靜於佛念生滅汝恆爲心病我自不腸熱風目無
行地山川有崩竭將有來比無顯哉此優劣

神釋

吾言妙萬物見微斯知著二子皆有恃不自知其故彼
爲隨形來甚幸有依附此莫惡影在可怖無言語私議
優劣者至竟無是處世界如許大容我幾時住道污從
而污消長乘氣數且各守爾分求得性之具本來判白
黑焉用相毀譽此與生俱盡彼亦時引去溷迹一天地
忍願爲我懼比諸何有無當息身外慮

黃巖委羽山第二洞天和吉子振貳尹韻

洞天三十六委羽能居二空明不可說窺穴了無異神
仙事恍惚甲乙誰所記欲入抉幽怪中有丸泥置奇聞

賤耳食靈境艱身至道人不解事相惡以為媚壘石阻
 洞門築亭侵隙地夕陽在屋角四顧失山翠聊吸丹井
 水一哈呼知味昔我游天台再宿石橋寺路旁蓋竹洞
 視此足比志俗士強標目山僧驚指示無能剔荒穢豈
 合益文字桃華方笑人風前弄沈醉獨鶴何處飛得無
 故鄉思且拾方石歸是塊亦天賜天台蓋竹洞乃一巨
石明丁君官台州以
夢題之山僧導游無所見也道
書所稱蓋竹洞天亦在黃巖
 孫權伯屬題其尊甫子和先生延秋雅集圖遺墨和

圖中小浮山人韻

秋空不可埽煙樹三兩叢閒庭鳥語寂樂事恣所窮露

華蕩寒碧霜草憐幽紅主人陳十經談藝或此中覽圖

緬師訓觸緒來西風余師繆先生識子和先生名未及
見圖為沈西雍觀察作西雍與吾

師友善師稱其
學曾一見之

和曹葛民丈夜坐作倒疊原韻

飢來喫飯困來暝不願封侯此直弦偏是辟支工作佛

何妨慧業失生天窺人明月能無語閱世喬松亦有年

我羨秋花愧秋草一般籬下色依然

題揚州方氏春風並轡圖卷為方子穎觀察前圖為方
笠塘蘭嶠

兩先生羅兩峯畫後圖為方元仲太守子穎觀
察秦宜亭畫笠塘先生觀察之曾大父行也

幼讀學經再續集知有揚州二方翁四十歲後始見畫

證緣乃在東甌東老輩風流劇愛慕況得賢達能繼蹤

紀羣名德世所罕天衢聯轡當重逢子子孫孫引無極

要與造化留春風詰嗣敬之平叔皆負文譽工藝事我生足跡半天下

老尚奔走同飄蓬疲驢狹路亦無奈暮氣恰直時秋冬

此行天天且擾公但愧名位非孫洪用阮文達跋中事

寓温州張氏如園蔡枳籬同年索書禪宗語戲效寒山

子得六首口頭機鋒不足道也

我曾不見佛我先不見我見我向鏡中不如人見我佛

是我見我我是人見我我我不見人見佛無不可

窗外東山小門外東山高屋外東山大登山東山逃東

山何曾逃我在山之腰山下人看山已笑登者勞

水清非無魚水濁不見魚水濁泥有魚水比泥不如水

盡泥漸乾魚與泥相安泥垢魚死完泥仍不相干

一犬立門首一犬卧庭中一犬伏牀下一吠三犬同主

人出門看不得人影蹤叱犬吠不止不叱吠亦止犬吠

人叱犬兩俱無謂耳

朝起見人來一瞋見人去一瞋人又來來亦終須去人

來此間去我來此間住我住行且去但有主人住主人

爲我來主人來復去住中有去來何者無來去

人來索我書我索人磨墨及人送墨來盃墨半遭覆磨

志會居二言
墨人怨磨送墨人怨墨作書人又怨怨此墨不足索書
人受怨偏他有實獲

張小孟茂才

志瑛

屬題池上樓圖用謝康樂詩韻

池上樓在

如園東南隅
謝康樂故址

絕壁不削色細泉尙遺音山橫面勢盡池搖人影沈
干時夢忽醒懷逸情何任堂堂日過隙獵獵風在林
八年重爲客一再茲登臨榭葉紅可憐飄泊依岑嶽
中流出危石獨樹失層陰俯窺有枯魚寂坐來悲禽
鏗痕蕩秋思永夜恣長吟紀游旅人事望澤農夫心
明朝得快雨無當問舊今

時久
不雨

再去温州蔡枳籬同年

保東

以詩贈行依韻答之己巳

十一月初一日也

貪夫宜徇財烈士悔徇名求財與名市谿壑瘡不盈身
存則蠖屈言大爲鯢鯨先難後無獲豈爲求非誠通辭
既款款卜兆見庚庚自古有窮途偏續阮步兵吞聲來
海曲忍發驚人鳴既來悔不去將去悔此行我足不自
裏何當怨榛荆乞米得握粟施者等坻京非敢謝嗟來
幸不係死生蔡子我同歲長我爲我兄喜我遠方來憐
我儂且僮贈我五百字囊以詩爲傾纂組審周密指擊
動增旬離人感吹笛隅坐逢彈箏我今別子去石田尙

志會居七詩

三

可耕但恐荒所業中夜猶怵怵飽暖失長策伊吾留短
 檠死豹終愛皮過雁自有聲戴天見北極御風及東瀛
壬戌冬自歐入滬海上遇風曾至日本界所苦不能飲獨醒非解醒偏同醉
 夢中出話違世情媚骨天斬我囁嚅事屏營蟲鳥記翰
 翰艸黜識萍萃無能談性道操術難變更早白何憤憤
 眯色非使盲輕重焉可欺執權折厥衡生曾歷災難分
 不當公卿命蹇疇與造人老成非精矜此七品官遠過
 萬里程為郎坐無資廢棄事易明方柄入員鑿一縱交
 數橫為傭不受直謂我心難平朔風擾客眠觸物徒縱
 錚焦卷忽得雨豈有桑羊烹愆期負良媒長愧蚩蚩氓

不尖遜古弼所短殊晏嬰俯仰道已拙兀莽身終輕臨

歧重太息此願將無成負氣絕俗累述窮學官清一游

誤雁蕩三過別鹿城此行本約游雁蕩今夏不果問子大荆道惶恐

與丁令新潮挾水長自與人送迎厭作海上漚願為幽

谷鶯感子贈我言我歌與子賡各有文字累往復勞僕

俾未信五恨彭且受三樂榮為貧固非病筮困德在亨

明年倘相見同餐秋菊英

方子穎觀察贖行甚厚賦詩志謝并留別郭外峯司馬

暨敬之平叔二公子仍用謝公池上樓詩韻

椽竹越凡響爨桐負異音俗工有摧枯達士乃鉤沈翳

此蒲柳姿斲斲非不任文字坐荒朽棄置終山林感公
遇之厚屢辱高軒臨意氣動湖海風力瞻崎嶇靈鯨震
羣聳燭龍暉重陰慈流焦澤魚春轉霜柯禽永承提挈
旨母為媿隅吟志隱不在物敢忘朝市心晞髮來陽阿
彈冠識從今

長松攬天立下有鸞鳳音獨留雲往還不逐風浮沈招
學侶在是問字予猶任且園舊泉石擷華容攀林景純
博物士游蹤夙此臨測深九軻井且園池側有碑卓立
千丈嶽吹笛海壇下橫琴嘉樹陰古讀辨雌蜺俗書嗤
來禽手抉飛霞色更圖綠嶂吟儒林或循吏同抱無涯

心爾雅孝經家志學當及今平叔有志小學故及之

謁西湖岳忠武王祠墓

誓心天地竟如何解道忠魂愧恨多有骨力人看鐵鑄
苦分明事賸金陀西湖祠墓成恢復南渡君臣本主和
王自甘當橫字貶大儒持論必無頗朱子於忠武有太橫之目近世理學

諸儒遂於王有詆辭

舟泊石門憶事有作

黃葉村莊路莫知當時壞壁賸題詩階前片石曾無主
偏有人爭吳六奇吳孟舉黃葉村莊前已傾圮此日問人無知者其址有石一峯羣指為吳順恪贈查氏物可怪也

盒無風木墓空存百軸觀音一夕燔辨利藏真聞尙在

歸舟恰入艮山門城根風木盒風木和尚墓在其側舊藏觀音畫像百餘軸以擬艮山門外

洛閩正學偽殷頑講習堂餘水一灣空腹高談焉取信

敬觀

禹鼎識神姦呂留良以時文跋尾之技歲試劣等乃棄諸生託於明室遺民以理學號召天下至

有呂張考夫勞麟書陸清獻四大儒之目逆書案發李

敏達方為浙江巡撫世宗憲皇帝洞燭其奸伏

讀良居室也籍沒後犁為田今則荒煙蔓草矣

一拳紫石力能扛異事何來瓦塔雙此日可能驚伯有

我曾深夜辨經幢縣署西偏有紫石方尺許高亦尺許相傳鬼物憑之觸則為崇咸豐間復

於東偏掘得瓦塔二枚甲寅冬余客署中不之信夜靜秉燭摩挲石上見有字迹乃古經幢石門自石晉時始置崇德縣此唐時舊物也

呂留良逆惡昭著而近人以其學遵程朱輒有恕詞甚

矣小人不善之可掎也續述舊聞以示來者

諸生棄却作遺民三窟中容兩截人叵奈質疑存姓氏

不曾未殺呂光輪留良為諸生名光輪又曾薙髮為僧李岱雲選本朝考卷質疑集錄一首題為質勝文則野四句上書浙江顏

清獻過從求道學梨洲絕交緣買書取友必端非易事

南雷差幸勝三魚留良師事梨洲後梨洲入江南留良往山陰買祁氏書梨洲屬求衛湜禮

記集說留良得之而匿不與梨洲大怒遂削其籍陸清

獻從留良講學推重甚至三魚堂集中有與留良書及

祭文當抽燬聞陸集已重刊不知已刪去否

妙道真工闢陸王良知盡絕喪天良如何言不因人廢

此論吾嗤魏邵陽留良痛斥良知之學以闢陸王而宗程朱故人恕之以為理學正傳然理

學大儒合之謀反大逆言行不相顧不應至斯極也往居都下見書攤上有鈔本留良論學書數篇邵陽魏君源加墨其上言留良人當誅言不可廢余不謂然取歸摧燒之

杭州重晤劉拙菴明府出雪灘行旅圖索題仍用壬戌

年温州和詩韻

雖脫虎口中箕口舊事那堪重回首雪灘行盡乃風波
將謂可泣謂可歌帶水拖泥且自拭坐定拈豪盍試墨
墨蘭示現宰官身沒骨法成廢鉤勒卅年奔走野性馴

我輩行旅生有因作圖紀行行未已不行須作圖中人
辛未七月七日許鶴巢中書楊雪漁孝廉招飲城南戲

成長句

西南白雲來鬱鬱入坐要參米汁佛主人能作百斛飲
我氣已為酒杯屈繩牀尙容出腹卧非有文字能髣髴
竄取琉璃筆一枚偏持曲說爭奇崛赤龍迎汝仙人論
公乘詔詣朱雀門七日卦氣疇當言將軍再傳為叔元
珍糜舊事良日纂造麴古法月令存龍魚河圖至術祕
小豆當受一七吞更拈瓜葉北拭面桃花和藥留春痕
不如爛醉飽餐飯况幸連愛比弟昆狂談竟日忘乞願

送別再與傾壺尊銀盤記否蠟孩戲甚羨歸去江南村
賦詩咸爲酬嘉節畫圖著意先城垣我言醜拙亦有例
綈錦旁出犢鼻禪

十一月十五日消寒第一集呈潘司農

集陶詩

寒雲沒西山懸崖斂餘暉一盼周九天夕露霑我衣疇
昔居上京慷慨思南歸投未去學仕如何淹在茲我無
騰化術暫爲人所羈衰回無定止有處特依依戶庭無
塵雜園蔬有餘滋瞻夕欣良讌一觴聊可揮誰謂形迹
拘縱心復何疑抗言談在昔在昔余多師詩書塞坐外
春蠶收長絲非商復非戎永爲世笑之弱冠逢世阻猖

狂獨長悲懶惰故無匹寒暑日相推淒淒歲莫風四體
誠乃疲盛年不重來遠望時復爲萬族各有託獨樹衆
乃奇荆扉晝常閉千載非所知飢者歡初飽但懼時我
遺銜戢知何謝言詠遂賦詩

朝鮮使臣攜墨贈人面題曰衛正斥邪之墨背書洋夷
侵犯非戰則和主和賣國十二字印文辛未云其國
於丙寅年立碑平壤十二字乃碑文也余偶得之率
成一絕

箕子墓前兩翁仲檀君宅下一夫餘勒碑船墨成何事
可道吾生不解書

為李藝淵觀察題尋陽送別圖

琵琶亭下水漫漫繞宅黃蘆久厭看商婦何來成獨絕

更無詩客說餘干江右有二琵琶亭在餘干者為唐以前建見能改齋漫錄

十年前事注心頭無限思量盪客愁欲問尋陽江上路

幾人曾學白江州

朱養儒晴窗鑒古圖前有夫已氏記以砥礪身心琢磨

道德為助乃近日之為鉅儒者戲為釋之

老尚傭書自閉關卧游偏戀畫中山何當共悟遺經祕

翰墨圖書一例刪

吳屋劉庭程麗葉東富搜羅心學無緣眼福多欲識前

言嘗玩物濫觴叵奈亦宣和

千載論交在戶庭煙雲聚散兩忘形吾生別有身心助

曾見吳興道德經松雪晚年手書大字道德經與世所傳本不類其後裔居山陰者世守之道光癸卯往觀竟夕兵燹後聞已燬矣

評書讀畫君應慣是古非今我更愁一語商量須記取

猶強枯坐作空談

董蓉初觀察賦詩留別倒和原韻四首

窮鳥低飛未得還江湖空闊宦情閒少曾綴學思經事

豈有文才與古班下吏趨承憐我拙史官掌故賴公嫻

公掌史館最久官書條例餘及百華洲上修書地竊步格式節目兼綜靡遺歷承指示

元卿任後艱道光中儀徵吳文節公撫江西曾修通志

蕭任其事同治中江西復修通志五年未成甲戌春前

撫軍劉峴莊制府復移局東湖之北曾文正祠以之謙

稍為提調因獲時親警效三年於茲

百卅年餘議故新久知善事待賢仁江西通志自雍正

一則建昌南城陶君撰道為海昌查初白先生手定雍正

志則為分纂云初稿已具旋為人所拾遺猶幸留殘牘

沮中時文節殉節湖北寫本燬久矣

江無事故案牘完好搜集非難匡謬真須索解人非舊志

名既新奇事難紀載劉峴莊制府始改從謝蘊山中承

其說迄不通志舊例初無異詞未幾眾謗疑集矢無已

草擬同書師隱旨為新通志自沿革職官經政諸篇皆重

損 臣 絲成獨繭怯詹綸上車不落談何易文字緣多有主

謳思編戶逮軍屯信是仁聞薄可敦公兩權督糧道士

間引退咸覽舉門庭瞻至行公寓江西北風雨對牀友愛

知依戀 觸蠻征伐解溫言丙子春以遭毀求罷修廳槐舊夢

依歸權隄柳新痕落酒尊送別劇憐春有腳何時寒谷

復成暄私臆自啟齟齬書之克成實賴公力

漫道行遲更覺仙敢陳美意頌延年身逢

堯舜藏三策手把琴書抵九遷董義水入閩江從故里

雲移廬阜指遙天歸程重得懷人句可憶邯鄲舊鼓員

夢游仙詩十二首

洞天恍惚挾雷風
流水琴聲一綫通
休墜旁門虛大願
要窺真相覓方瞳

拔宅何年此例開
已知雞犬奪凡胎
良辰數到逢鳴吠
頂祝千言首一回

色目新繙寶積經
法宮威重接英靈
小巫乍降留神語
汝已銜碑爾守餅

瑠筵再設集簪裾
疊報彤霞蓋後車
空外一聲真裂帛
燭奴燒著蔚宗書

千年丹篆土花侵
畫箇壺盧說古今
乞與凡夫分句讀

不知荆棘自仙心

紀到循蜚記九頭
黃安五出尙淹留
靈符畫下東門啟
無賴猶思勸孝侯

赫奕威儀大將幢
得鞭不可力通扛
東鄰寫出三牛字
說與貔貅氣亦降

巧婦成炊日大難
量沙齊唱白鳩檀
仙姑強作麻姑法
索米幾曾擲得丹

歸路雙鳧認舊時
阿丸盜道恰多師
南華妙解成胠篋
歷劫重逢總不知

膺圖授籙要書紳
一曲湖塘乞果真
畢竟仙官工利物

黃金成處徧羣神

莫訝龍鍾但欲眠人間煙火是神仙五龍蟄法誰親授

一寤居然八百年

鸞飄鳳泊有茲鄉駐景無緣買禁方咒取毒龍親試技

那堪重嚇葉諸梁

悲盦居士詩賸

男壽佺校字

